



## **Wakabaot TokTok meeting with Honiara Leaders**

### **RAMSI Office of the Special Coordinator, Honiara 20 October 2010**

Mi hapi tumas fo toktok witim iufala tude. Nem blong mi hem Graeme Wilson. Mi Special Coordinator blo RAMSI. Mifala long RAMSI, hapi tumas fo welkam iufala evriwan long desfala miting. Hem wan barava bigfala honour fo mifala long RAMSI fo toktok an stori witim iufala oloketa bigman an pipol long Honiara.

Mi laek fo mi tude bae mi telim iufala lelebit abaotem mi seleva. Mi kam long Australia. Mi kasem Solomon Aelan long January 2009. Taem bifo mi waka long samfala difren kadre. Mi waka long Vanuatu, New Caledonia, France an Mexico. Nao mi hapi tumas fo stap long hia long Solomon Aelan. Hem i wan barava naesfala kandre. Taem mi stap long hia mi mitim staka naesfala pipol. An mi trae fo visitim evri province long Solomon Aelan. Mi visitim staka difren vilij long Galakanal an mi go long Maliata, Western Province, Choisel, Isabel, Central Province, Makira and Rennell and Bellona. Mi visitim olketa difren province bikos mi tingting hem barava gud fo mifala long RAMSI fo save gud olketa kastom blo Solomon Aelan an fo mitim olketa diferan pipol. Hem i barava impoten tu fo mifala blong RAMSI fo visitim olketa difren ples long Solomon Aelan mekem mifala save talem lo pipol wanem nao RAMSI an eksplein gud wanem nao RAMSI hem i duim an hao nao RAMSI waka witim gavman an olketa pipol blong Solomon Aelan.

### **RAMSI**

Ting ting blo mi hem gud tumas fo evriwan blong Solomon Aelan fo save gud wanem nao waka blong RAMSI. Hem i barava impoten fo iumi evriwan save gud hao nao RAMSI waka waitem olketa pipol an gavman blong Solomon Aelan. Sapos iumi evriwan save gud RAMSI hem i helpim iumi evriwan fo tingting an toktok abaot hao RAMSI bae bae hem i maet waka moa better fo helpem pipol blong Solomon Aelan long fuja. Hem i barava impoten tu fo iumi evriwan save gud waka blong RAMSI bikos RAMSI hem waka fo olketa pipol blong Solomon Aelan .

RAMSI hem i kam long Solomon Aelan long July 2003. RAMSI hem i kam long hia bikos Gavman blong Solomon Aelan hem askem olketa fren blong region fo helpim olketa taem long tension. Parliament long Solomon Aelan hem givim RAMSI raet lo saed long loa fo hem duim olketa waka fo helpem Solomon Aelan. Parliament kolek disfala raet 'mandate' blong RAMSI. Olsem iumi save finis Parliament long Solomon Aelan, hem i approvem disfala request an evri member long parliament olketa suportem disfala vote insaed long Haus. Agreement melewan RAMSI an Government blong Solomon Aelan hem minim sei waka blong RAMSI hem i fo helpem Solomon Aelan Islands fo buildim bak law and order, makem strong gavmen, stopim korruption and buldim bak economy.

RAMSI hem i garem trifala bigfala area blong waka blong hem. Olsem law and order – buildim bak peace an buldim up RSIPF - economic reform and governance – help fixim economy fo winim mo seleni an kam antap - an machinery of government – hem fo help buildim an makem strong up

gavman ministries. Pipol blong RAMSI olketa waka long evri province raon long kandrae long Solomon Aelan. Team blong RAMSI hem i waka witim olketa local pipol long evri area fo buildim up skills blong olketa an fo helpim olketa fo duim evri samting seleva long fuja.

Taem wea RAMSI hem kam long Solomon Aelan faestaem, hem help fo mekem Solomon Aelan hem safe. Hem tekem kam olketa polis and soldia fo help restorem law an order. An hem help fo aotim an trowe staka gun an weapon fo mekem komuniti safe. Stak kam taem RAMSI hem waka witim RSIPF fo helpem fo buildim bak police force. Desstaem Participating Police Force hem I waka witim RSIPF an hem tu hem givim training lo RSIPF.

Mi laek fo talem tufala samting lo RAMSI. Wanem nao biki fala waka blong RAMSI. Numbawan, RAMSI, hem i **regional mission**. Hem minim insaed long RAMSI mifala ia garem staka pipol wea olketa kam long evri kandrae blong Pacific Islands Forum. I no Austalia an NZ nomoa. Nomata Australia providim staka samting long RAMSI, RAMSI hem i wanfala team wea olketa kam long evri kandrae long region.

Mektu, hem i barava importen iumi evriwan save gud nao **RAMSI hem mas respektim olketa kastom an traditions** blong olketa pipol long Solomon Aelan. Mifala lo RAMSI tingting deswan barava importen. Dastawae taem long disfala “Titinge incident” wea wanfala man hem i dae finis, mifala long RAMSI mitim witim famili an relative an komuniti blong hem next dei fo duim disfala “*Lakasa Namate*” cermoni wea mifala providim *chupu* an mifala sei long pipol blong man hemi dae ia, mifala barava sori tumas fo wanem nao hemi happen lo relative blo olo keta. An mifala long RAMSI, mifala tingting hem i barava importen mifala duim disfala ceremony folom kastom blong pipol long Galakanal. Taem nao, mifala long RAMSI waka kolsap widim Gavmen blong Solomon Aelan an RAMSI representative blong Gavmen blong Solomon Aelan, Paul Tovua, an Ministry for National Unity, Peace and Reconciliation fo findim wei wea mifala reconcile witim famili blong man wea hem dae in accordance widim kastom blong pipol long Galakanal.

### **Partnership Framework**

Bae mi laek nao fo toktok aboat defala Partnershp Framework. Hem i barava importen iumi evriwan save gud wanem nao disfala Partnership Framework.

Disfala Partnership Framework, hem i wanfala agreement melewan Gavmen blong Solomon Aelan and RAMSI. Hem i wea RAMSI waka tugeta waitem Gavmen blong Solomon Aelan fo makem disfala Partnership Framework. Gavmen blong Solomon Aelan hem I approvem disfala agreement long May 2009.

Disfala Partnership Framework, hem i tok aboat wanem nao RAMSI hem i duim lo Solomon Islands. Hem laek wanfala bigfala buk. Hem i providim list lo kolsap evri samting RAMSI hem I duim long Solomon Aelan. Disfala Partnership Framework, hem I explainem RAMSI’s “goals and objectives” and hao nao RAMSI waka alongside Solomon Islands Gavmen fo help buildim bak and mek strong Solomon Aelan.

Hem i barava impoten iumi evriwan save gud tu dat disfala Partnership Framework, hem i consistent witim RAMSI’s mandate. Saem taem tu hem i barava impoten iumi evriwan save gud dat disfala waka plan hem i “agreed” melewan Gavmen blong Solomon Aelan and RAMSI.

Disfala Partnership Framework, hem garem “specific timelines” and “target dates”. Hem wei fo iumi evriwan fo mesam hao nao waka blo RAMSI hem gogo.

Mi save samfala pipol askem wat taem nao baebae RAMSI hem finis long Solomon Aelan? Wanem nao plan blo RAMSI? Mi wande fo telim iufala RAMSI bae hem no ranawe long fren blo him Solomon Aelan kwiktaem nomoa. RAMSI, hem bae no go bak taem hem no finisim iet oloketa waka hem kam fo duim an Solomon Aelan hem redi fo duim evri smating seleva. Dastawae mi tingting hem brava gud fo mifala long RAMSI fo mit an toktok witim pipol long Solomon Aelan mekem iufala save wanem nao RAMSI hem duim an hao nao hem helpem buildim bak Solomon Aelan mekem hem safe an strong long fuja. Nao mifala RAMSI baebae waka kolsap witim Gavmen blo Prime Minister Danny Philip em disfala Partnership Framework hem waka gud . RAMSI an Government blo Danny Philip, baebae toktok long fuja blo RAMSI. Hem tru baebae RAMSI hem katem daon lelebet olo keta PPF lo dispala ia 2010. An hem tru tu RAMSI bae hem no stap long Solomon Aelan olowae. Hem barava gud fo iumi evriwan mas save gud nao, RAMSI bae hem no ranawe or lusim Solomon Aelan kwikteam. Mifala RAMSI mas stap long hia long Solomon Aelan fo finisim oloketa waka blong hem kam fo duim.

Tagio tumas an God Bless Solomon Aelan.